



IZVJEŠTAJ O RADU
DRUGOSTEPENE STRUČNE KOMISIJE OPĆINSKOG VIJEĆA ILIDŽA ZA 2025. GODINU
SA OCJENOM STANJA I PRIJEDLOGOM MJERA

Nosilac izrade materijala:
Drugostepena stručna komisija

Ilidža, mart 2026. godina

IZVJEŠTAJ O RADU DRUGOSTEPENE STRUČNE KOMISIJE OPĆINSKOG VIJEĆA ILIDŽA ZA 2025. GODINU SA OCJENOM STANJA I PRIJEDLOGOM MJERA

I UVODNE NAPOMENE

U skladu sa članom 4. stav (10) tačka d) Odluke o osnivanju stalnih radnih tijela Općinskog vijeća Ilidža („*Službene novine Kantona Sarajevo*“, broj: 1/20 – Prečišćeni tekst), Drugostepena stručna komisija Općinskom vijeću Općine Ilidža podnosi Izvještaj o radu za 2024. godinu.

Navedenom odlukom Drugostepena stručna komisija je određena kao drugostepeni organ nadležan da rješava po žalbama stranaka kada je u prvostepenom postupku rješavano na osnovu Statuta ili propisa Općinskog vijeća Ilidža, a u okviru isključivih prava i dužnosti Općine. Nadležnost određena na ovaj način proizilazi i iz odredaba člana 223. stav (1) Zakona o upravnom postupku Federacije BiH („*Službene novine FBiH*“, broj: 2/98, 48/99 i 61/22), kojim je propisano „*Ako je u prvostepenom upravnom postupku rješavano na osnovu Statuta ili propisa Općinskog vijeća, u okviru isključivih prava i dužnosti općine, o žalbi protiv tih rješenja u drugom stepenu rješava općinski organ određen Statutom općine, odnosno organ određen propisom Općinskog vijeća*“.

Nadležnost ove komisije za postupanje i rješavanje po žalbama u određenim slučajevima je propisana i posebnim zakonom, kao što je slučaj predviđen članom 80. stav (3) Zakona o cestama Federacije BiH („*Službene novine FBiH*“, broj: 12/10), kojim je određeno da se „*Protiv upravnih akata predviđenim stavom (2) citiranog člana, za autoceste, brze ceste i magistralne ceste može podnijeti žalba Ministarstvu, za regionalne ceste nadležnom kantonalnom ministarstvu, a za lokalne ceste nadležnom općinskom organu u skladu sa zakonom*“.

Postupajući po ranije ustanovljenoj praksi Drugostepena stručna komisija je u izvještajnom periodu vodila postupke i odlučivala po žalbama, u predmetima gdje nadležnost proizilazi iz navedenog federalnog zakona, kao i citirane odluke Općinskog vijeća.

Drugostepena stručna komisija Općine Ilidža u sadašnjem sastavu imenovana je rješenjima Općinskog vijeća broj:01-02-5185/25-3b od 26.06.2025.gdoine i rješenjem broj:01-02-9804/25-9 od 27.11.2025.godine, a nakon provedenog postupka javnog konkursa, kako slijedi:

1. Lana Cokoja – predsjednica
2. Muhamed Memić- član
3. Amra Oručević – član
4. Kristina Pušić- član
5. Emir Ibrahimagić – član

II ODLUČIVANJE U DRUGOSTEPENOM POSTUPKU

Tokom protekle 2025. godine, može se vidjeti da je Komisija održala 9 sjednica gdje je zaprimila i uzela u rad 10 žalbi.

Tom prilikom, postupajući po navedenim žalbama, jednu (1) žalbu vratila je prvostepenom organu na ponovno postupanje, a 9 (devet) žalbi odbila je kao neosnovane.

Od ukupnog broja zaprimljenih predmeta tokom godine, Komisija je sve predmete blagovremeno riješila. U svim predmetima koji su razmatrani Komisija je odluke po žalbama donijela jednoglasno. U navedenim slučajevima razmatralo se o žalbama protiv rješenja Službe za prostorno uređenje i zaštitu okoliša, Službe za inspekcijски nadzor i Službe za komunalne poslove i infrastrukturu.

III OCJENA STANJA

Drugostepena stručna komisija Općinskog vijeća Općine Ilidža je tokom 2025. godine u okviru propisima određenih nadležnosti poduzimala propisane radnje, vodila aktivnosti u cilju rješavanja po žalbama, te je ažurno izvršavala postavljene zadatke, na način što je u zakonom propisanim rokovima provela žalbene postupke i donijela odluke i na taj način riješila sve zaprimljene predmete.

Pored navedenog Komisija je razmatrala i Rješenje Kantonalnog suda u Sarajevu broj: 09 0 U 044656 23 U o obustavi postupka u upravnom sporu tužitelja "Telemach BH "d.o.o. Sarajevo protiv tužene Općine Ilidža. O navedenom Rješenju Komisija je blagovremeno, po prijemu istog, obavijestila Općinsko vijeće putem predsjedavajućeg Općinskog vijeća, obzirom da je riječ o predmetu značajnom za Općinu Ilidža.

IV PRIJEDLOG MJERA

Polazeći od prethodno navedenog, Drugostepena stručna komisija Općinskom vijeću predlaže da usvoji ovaj Izvještaj, te da se zahtijeva:

1. Da se ostvari bolja saradnja između službi unutar Općine Ilidža, da se imaju na uvid i blagovremeno sve informacije koje su potrebne za rješavanje predmeta koji se tiču Drugostepene stručne komisije Općine Ilidža.

2. Da službe trebaju međusobno biti uvezane prilikom donošenja odluka i da su više uključene u rad predmeta koji se vode unutar Općine Ilidža.

PREDSJEDNICA KOMISIJE
Lana Cokoja